

OD 16. 07. 2021. GOD.
DO 09. 08. 2021. GOD.

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ZAVIDOVIĆI
OPĆINSKI NAČELNIK



Broj: 02-11-1739/21.

Datum: 14.07.2021.

Na osnovu člana 39. Statuta Općine Zavidovići ("Sl. glasnik Općine Zavidovići", broj 5/08 i 5a/08), Sporazuma o međusobnim odnosima i finansijskim doprinosima između Caritasa Švicarske i Općine Zavidovići u realizaciji projektne aktivnosti „Proizvodnja jagode i maline u općini Zavidovići“ u sklopu projekta „Stvaranje prihoda i radnih mjesta u poljoprivrednom sektoru u Bosni i Hercegovini-IGAS“, Općinski načelnik Zavidovići objavljuje

JAVNI POZIV

POLJOPRIVREDNICIMA ZA ODABIR KORISNIKA PROJEKTA ZA DODJELU SADNICA JAGODE I MALINE, SREDSTAVA ZA NABAVKU REPROMATERIJALA ZA PROIZVODNJU JAGODE I MALINE, PEDOLOŠKU ANALIZU ZEMLJIŠTA I STRUČNA PREDAVANJA ZA KORISNIKE POMOĆI U SADNJI I UZGOJU JAGODE I MALINE

Realizacija ovog projekta podrazumijeva: podršku poljoprivrednim proizvođačima u nabavi poljoprivrednog paketa za proizvodnju jagode na površini od 1 000 m² za deset korisnika i nabavku poljoprivrednog paketa za proizvodnju maline na površini od 1 000 m² površine za deset korisnika, određene pedološke analize zemljišta i edukaciju poljoprivrednih proizvođača, praćenje i nadzor nad proizvodnjom od strane stručnih lica.

Po javnom pozivu će biti izabrano 20 korisnika pomoći i to deset korisnika za sadnju i uzgoj jagode sorte Kleri,(Clery) i deset korisnika za sadnju i uzgoj maline sorte Vilamet, (Wilamett). Projekat se finansira iz sredstava Caritasa Švicarske u podršci dodjele sadnica jagoda i malina, plaćanja analize zemljišta i obezbjeđivanje stručnih lica za predavanje o temi uzgoja jagoda i malina, dok će Općina Zavidovići obezbijediti sredstva do maksimalnih 500,00 KM po svakom odabranom korisniku kao pomoć u nabavi opreme i repromaterijala za proizvodnju jagode i maline.

Ovaj projekat ima za cilj stvaranje određenih prihoda i radnih mjesta u poljoprivredi na području općine Zavidovići a generalno se provodi na nivou Bosne i Hercegovine.

Prijavu/zahtjev za javni poziv mogu podnijeti fizička lica sa prebivalištem na području općine Zavidovići koja ispunjavaju slijedeće kriterije javnog poziva:

Osnove i kriteriji za utvrđivanje rang liste, način vrednovanja i dokazivanja ispunjavanja kriterija odnose se na opće i posebne kriterije.

I. Opći kriteriji:

- Potencijalni korisnik ima prebivalište na području općine Zavidovići.

Općina Zavidovići, Ulica Safvet-bega Bašagića broj 9, 72220 Zavidovići

Telefon: 032/206-780 info, fax: 032/206-706, www.zavidovici.ba, opcina.zavidovici@zavidovici.ba, opzdici@bih.net.ba

- Potencijalni korisnik (podnosilac zahtjeva) ili uži član porodice sa kućne liste nesmetano raspolaže sa minimalno 1 000 m² raspoloživog poljoprivrednog zemljišta na kome je obezbijedena voda za navodnjavanje. U ovu površinu se ne ubrajaju ostali objekti i/ili zasadi koji se nalaze na parceli.
- Potencijalni korisnik se bavi poljoprivrednom proizvodnjom i već obrađuje minimalno 500 m² obradive površine.

II. Posebni kriteriji

Maksimalan broj bodova koji se može dodijeliti korisniku iznosi ukupno 100 bodova po svim kriterijima zbirno, i to za:

1. Stanje trenutnih aktivnosti u poljoprivrednoj proizvodnji.....**20 bodova**
2. Kvalitet i pogodnost prijavljene parcele za sadnju jagoda i malina.....**30 bodova**
3. Broj punoljetnih nezaposlenih članova porodice**10 bodova**
4. Broj izdržavanih članova porodice i visina mjesečnih primanja**10 bodova**
5. Prijavljeni korisnik je mlađi od 35 godina i njihovi punoljetni članovi porodice.....**15 bodova**
6. Prijavljeni korisnik je nezaposlena i/ili samohrana majka**15 bodova**

Potrebni dokumenti kojima potencijalni korisnik projekta dokazuje opće i/ili posebne kriterije sadržani su u sljedećoj tabeli:

Opći kriteriji:	Potrebni dokumenti:
1. Potencijalni korisnik ima prebivalište u općini Zavidovići	<ul style="list-style-type: none"> ▪ Potvrda CIPS-a
2. Potencijalni korisnik projekta raspolaže sa minimalno 1 000 m ² poljoprivrednog zemljišta.	<ul style="list-style-type: none"> ▪ Kopija posjedovnog lista izdatog od strane nadležne službe o vlasništvu zemlje i/ili neka od formi ugovora aplikanta ili člana porodice s kućne liste (ugovor o kupoprodaji, ugovor o zakupu, ugovor o poklonu, ugovor o korištenju, pravosnažno rješenje o nasljeđivanju) ▪ Kućna lista domaćinstva ovjerena od nadležne službe općine Zavidovići koja sadrži popis svih članova porodice prijave/zahtjeva, njihovu starosnu dob i zanimanje
3. Potencijalni korisnik projekta se bavi poljoprivredom i obrađuje minimalno 500 m ² obradive površine	<ul style="list-style-type: none"> ▪ Lista korištenja zemljišta iz RPG-a ili izjava za upis u registar RPG-a do obilaska terena koju će se naknadno dostaviti
Posebni kriteriji:	Potrebni dokumenti:
1.a) Potencijalni korisnik projekta se već bavi ili se bavio proizvodnjom jagoda i/ili malina ili nekih drugih kultura	<ul style="list-style-type: none"> ▪ Ugovor sa zadrugom ili otkupnom stanicom o otkupu (osigurano tržište proizvoda) ▪ Kopije plaćenih računa od prodaje jagoda i/ili malina odnosno otkupnih blokova ▪ Kopije plaćenih računa o nabavci repromaterijala ili plasmanu ili bilo koji drugi dokaz ▪ Zemljište vlasništvo 1/1, (maksimalno 20 bodova)

Općina Zavidovići, Ulica Safvet-bega Bašagića broj 9, 72220 Zavidovići

Telefon: 032/206-780 info, fax: 032/206-706, www.zavidovici.ba, opcina.zavidovici@zavidovici.ba, opzdlci@bih.net.ba

1. b) Potencijalni korisnik projekta nema prethodnog iskustva u uzgoju jagoda i/ili malina	<ul style="list-style-type: none"> ▪ Izjava korisnika projekta da se do sada nije bavio organizovanom proizvodnjom jagoda i/ili malina ▪ Zemljište vlasništvo 1/1, (maksimalno 5 poena)
2. Kvalitet i pogodnost prijavljene parcele za uzgoj jagode i/ili maline	<ul style="list-style-type: none"> ▪ Parcele koje se katastarski vode kao oranice ili voćnjaci i do 100 metara udaljene od mjesta stanovanja korisnika, (10 bodova) ▪ Parcele koje se katastarski vode kao livade, pašnjaci ili dvorišta i do 100 metara udaljene od mjesta stanovanja korisnika (5 bodova) ▪ Mogućnost navodnjavanja prijavljene parcele, (maksimalno 20 bodova)
3. Broj članova domaćinstva/ broj punoljetnih članova domaćinstva	<ul style="list-style-type: none"> ▪ Kućna lista domaćinstva ovjerena od nadležne službe općine Zavidovići koja sadrži popis svih članova porodice podnosioca prijave/zahtjeva, njihovu starosnu dob i zanimanje, (maksimalno 10 bodova)
4. Izdržavani članovi porodice i visina mjesečnih novčanih primanja porodice	<ul style="list-style-type: none"> ▪ Kućna lista i za punoljetne članove porodice dokaz o visini primanja ovjerena platna lista, ovjeren ček od penzije, uvjerenje sa biroa rada, (maksimalno 10 bodova za porodice koje imaju do 500 KM mjesečno primanje kao i za porodice koje imaju primanja do 250 KM po članu domaćinstva.)
5. Podnosioc zahtjeva spada u kategoriju mladih osoba (do 35 godina)	<ul style="list-style-type: none"> ▪ Identično kao pod 3, (maksimalno 15 bodova)
6. Samohrane i nezaposlene majke	<ul style="list-style-type: none"> ▪ Rješenjem ili potvrdom koja se pribavlja od nadležnog organa/ustanove ili drugog pravnog lica kod kojeg se vode službene evidencije. (maksimalno 15 bodova)

U slučaju istog broja bodova, prednost će imati kandidati koji imaju status samohranih roditelja, mlade osobe, kao i žene kao korisnici projekta.

Dostavljanje prijava i način odabira korisnika projekta

Obrasci prijave i izjave se mogu preuzeti na info pultu Općine Zavidovići.

Prijava sa pratećom dokumentacijom se dostavlja u Općinu Zavidovići putem pošte ili lično u zapečaćenoj koverti sa naznakom:

**Prijava na javni poziv projekta „Proizvodnje jagode i maline u Općini Zavidovići koju finansira Caritas Švicarske i Općina Zavidovići u sklopu projekta IGAS”
NE OTVARAJ.**

Obaveza podnosioca zahtjeva koji se odluči putem pošte dostaviti svoju prijavu je da zapečaćenu kovertu obavezno adresira.

Općina Zavidovići, Ulica Safvet-bega Bašagića broj 9, 72220 Zavidovići

Telefon: 032/206-780 info, fax: 032/206-706, www.zavidovici.ba, opcina.zavidovici@zavidovici.ba, opzdici@bih.net.ba

U Općini Zavidovići se pristigle prijave evidentiraju i po isteku roka za podnošenje prijave, neotvorene prijave, dostavljaju Komisiji koja provodi proces odabira korisnika u skladu sa Sporazumom o međusobnim odnosima i finansijskim doprinosima između Caritasa Švicarske i Općine Zavidovići u realizaciji projektne aktivnosti „Proizvodnja jagode i maline u općini Zavidovići“.

Izbor korisnika projekta na osnovu ovog javnog poziva će vršiti Komisija koju će činiti predstavnici Caritasa Švicarske i Općine Zavidovići.

Zadatak komisije je pregled prispjelih prijava, provjera upisa u RPG u nadležnoj službi evidentiranje kandidata koji ispunjavaju uslove iz Javnog poziva, obavljanje uvidaja na licu mjesta, sačinjavanje liste krajnjih korisnika na osnovu utvrđenih kriterija za bodovanje te dostavljanje iste Caritasu Švicarske i Općini Zavidovići.

Konačna odluka o izboru korisnika projekta će se donijeti nakon obilaska terena i posjete podnositelju zahtjeva.

Komisija će razmatrati prijave u skladu sa odredbama ovog javnog poziva.

Podnositelje zahtjeva koji ispune uslove iz ovog javnog poziva posjetit će članovi Komisije koji će sačiniti zapisnike.

Rezultati o izboru korisnika projekta će biti objavljeni na oglasnoj ploči Općine Zavidovići i na web stranici Općine Zavidovići.

Prigovori na objavljenu listu korisnika projekta moći će se uputiti Komisiji za odabir korisnika koja djeluje u sklopu projekta, u roku od 8 dana od dana objavljivanja liste na oglasnoj ploči Općine Zavidovići.

Obaveze korisnika projekta

Podnositelji prijave/zahtjeva koji budu izabrani kao korisnici projekta na osnovu ovog javnog poziva potpisati će ugovor sa Caritasom Švicarske i sa Općinom Zavidovići kojim će se utvrditi prava i obaveze ugovorenih strana.

Vrijeme trajanja javnog poziva

Javni poziv je otvoren 10 radnih dana od dana objavljivanja na oglasnoj ploči Općine Zavidovići i službenoj web stranici Općine Zavidovići odnosno produžen je rok za prijave do **08. 08.2021.** godine.

Sve prijave/zahtjevi koji su prispjeli nakon isticanja roka će se odbiti, uključujući i one podnositelje prijave čija dokumentacija nije kompletna ili se pokaže da dokumentacija nije u skladu s činjenicama prikupljenima na osnovu obilaska terena i intervjua s podnositeljima prijava.

Informacije i kontakti

Sve dodatne informacije vezane za Javni poziv mogu se dobiti u kancelariji broj 316 u Općini Zavidovići i na broj telefona: 032-206 733.



OPĆINSKI NAČELNIK
Dr. sci. Hašim Mujanović



Općina Zavidovići, Ulica Safvet-bega Bašagića broj 9, 72220 Zavidovići

Telefon: 032/206-780 info, fax: 032/206-706, www.zavidovici.ba, opcina.zavidovici@zavidovici.ba, opzdici@bih.net.ba